

समे – 12:25 hrs.

<><><><><><>

JK-First Phase Nominations

जम्मू-कश्मीर दे 7एं जिलें च पैहले गेड़ तैहत कुल 24 असेम्बली सीटें लेई होने आले चुनां आस्तै 279 मेदवार चुनां मैदान च न। 18 सितम्बर गी होने आहले पैहले गेड़ दे असेम्बली चुनांs लेई नामज़दगियां दाखल करने दा कल खीरी ध्याड़ा हा। आकाशवाणी दे जम्मू संवाददाता मुजब अनंतनाग जिले च सब्बनें शा मते 72 मेदवारें नामांकन भरे न जदके पुलवामा जिले च 55 मेदवारें, पोण जिले च 41, किश्तवाड़ जिले च 32, शोपियां ते कुलगाम जिलें च 28-28 ते रामबन जिले च 23 मेदवारें नामांकन जमा करोआए न। इनें मेदवारें दे सियासी भविकख दा फैसला 23 लक्ख 27 जहार शा मते मतदाता करंगन जिंदे च 5 लक्ख 66 जहार युवा मतदाता न। इंदे च 11 लक्ख 76 जहार मर्द मतदाता, 11 लक्ख 51 जहार महिलां मतदाता ते 60 थर्ष जेणर मतदाता न। पैहले गेड़ दे चुनांs लेई अधिसूचना 20 अगस्त गी जारी कीती गेई ही ते नामांकन दाखल करने दी खीरी तरीक 27 अगस्त दपैही 3 बजे तगर ही। नामांकन पतरें दी जांच अज्ज कीती जाहग ते मेदवार जेगर चाहन तां 30 अगस्त गी दपैही 3 बजे तगर अपनी मेदवारी परताई सकदे न।

<><><><><><>

JK-Election Candidates

डोडा संभाग दिएं 8 असैम्बली सीटें पर कुल 7 साबका मंत्री चुनां मैदान च खड़ोते दे न। इंदे च पाडर-नागसेनी थमां बीजेपी दे सुनील शर्मा, इंद्रवाल थमां आजाद मेदवार जी.एम सरूरी, किश्तवाड़ थमां नेशनल कांफ्रेंस दे सज्जाद किचलु, डोडा थमां पी.पी.ए.पी दे अब्दुल मजीद वानी ते नेशनल कांफ्रेंस दे खालिद नजीब सुहरावर्दी, बनिहाल थमां कांग्रेस दे विकार रसूल वानी ते डोडा वेस्ट थमां बीजेपी दे शक्तिराज परिहार शामिल न। किश्तवाड़ दिएं पीपीसी अध्यक्ष पूजा ठाकुर होर बीजेपी दे सुनील शर्मा हुंदे खलाफ नेशनल कांफ्रेंस दी मेदवार दे तौर पर पाडर-नागसेनी सीट लेई चुनांस मैदान च न। भद्रवाह थमां साबका विधायक दिलीप परिहार जिसले के किश्तवाड़ थमां साबका एमएलसी फिरदौस टॉक चुनांस मैदान च न। एहदे अलावा शहीद अजीत सिंह हुंदी धीह् शगुन परिहार बी चुनांस लड़ा करदियां न। उंदे पिता ते चाचा हुंदी आतंकवादिएं 2018 च हतेआ करी दिती ही। भद्रवाह सीट थमां साबका आईएस अफसर महबूब इकबाल नेशनल कांफ्रेंस दे मेदवार दे तौर पर जिसलै के साबका एवोकेट जनरल असलम गोनी पीपीएपी दे मेदवार दे तौर पर चुनांस मैदान च न।

<><><><><><>

JK-2nd Phase Notification

जम्मू-कश्मीर विधानसभा चुनाएं दे दुए गेड़ दे आम चुनां लेई अधिसूचना कल जारी कीती जाहग। इस चरण च गांदरबल, श्रीनगर, बगाम, पुंछ, रियासी ते राजौरी जिलें दी होरनें 26 सीटें लेई 25 सितंबर गी वोट पाए जांगन। इस गेड़ आस्तै नामांकन भरने दी खीरी तरीक 5

सितंबर गी होग ते अगले रोज कागदें-पत्रें दी जांच कीती जाग। मेदवारी वापस लैने दी खीरी तरीक 9 सितंबर गी होग ते इस गेड़ तैहत 25 सितंबर गी वोट पाए जांगन।

<><><><><><>

JK-BJP 3rd List

भारती जनता पार्टी नै प्रदेश च दुए ते त्रीये गेड़ दे असैम्बली चुनाएं लेई 29 मेदवारें दी त्री सूची जारी कीती ऐ। इस सूची च किश साबका मंत्रिं ते साबका विधायकें दे नांस बी शामिल न। इंदे च नगराटा थमां देवेन्द्र सिंह राणा, जम्मू नार्थ थमां शाम लाल शर्मा, सांबा थमां सुरजीत सिंह सलाथिया, विजयपुर थमां चंद्र प्रकाश गंगा, जसरोटा कठुआ थमां राजीव जसरोटिया, रामगढ़ थमां ाक्टर पी.के. मनेयाल, उधमपुर वेस्ट थमां पवन गुप्ता, बुद्धल थमां चौधरी जुल्फिकार अली, सुरनकोट थमां सैय्यद मुश्ताक बुखारी ते चनैनी थमां बलवंत सिंह मनकोटिया हुंदे नांस मुख न। पार्टी नै विवाद होने दे बाद मेदवारें दी जेड़ी सूची परतियै जारी कीती ओदे च इक बदलाव कीता गेआ ऐ। माता वैष्णो देवी असैम्बली हल्के थमां मेदवार रोहित दुबे दी थाहर हुन इस सीट लेई साबका विधायक बलदेव राज शर्मा गी टिकट दिता गेआ ऐ।

<><><><><><>

JPC-Waqf Bill

वक्फ (संशोधन) विधेयक 2024 कन्नै सरबंधत सांझी संसदी समिति नै जनता, स्वैच्छिक संगठनें, माहिरें, हितधारकें ते संस्थानें थमां विचार ते सुझांस मंगगे न। लोकसभा सचिवालय नै

इस बारे च प्रेस विज्ञप्ति जारी कीती ऐ जेहदे च आखेआ गेआ ऐ जेहड़े लोक समिति गी लिक्खियै सुझास भेजने चांहदे न, ओह उंदी दों कापियां हिंदी यां अंग्रेजी च भेजी सकदे न। एहदे लेई पता ऐ- संयुक्त सचिव, लोकसभा सचिवालय, कमरा नम्बर 440, संसद भवन एनेक्सी, नर्मो दिल्ली-110001

विचार ते सुझाव, jpcwaqf-LSS@sansad.nic.in पर ई-मेल बी कीते जाई सकदे न। एह सुझाव विज्ञप्ति दे प्रकाशन दी तरीक थमां 15एं दिनें दे अंदर-अंदर पुज्जी जाने लोड़चदे न। विज्ञप्ति मुजब, समिति गी भेजे गेदे ज्ञापन ते सुझास ओहदे रिर्काँप दा हिस्सा होडन ते उनें'गी गोपनीय ते समिति दी सम्पत्ति समझेआ जाहग। समिति अग्गे पेश होने दे ख्वाहिशमंद लोकें गी ज्ञापन भेजने दे अलावा, खास तौर पर गुजारिश बी करनी होग पर इस बारे च समिति दा फैसला गै खीरी होग। वक्फ (संशोधन) विधेयक 2024 दा मसौदा हिंदी ते अंग्रेजी च लोकसभा दी वेबसाइट पर उपलब्ध ऐ।

<><><><><><>

NSG-New DG

भारती पुलस सेवा दे वरिष्ठ अधिकारी बी. श्रीनिवारन होरे गी मुख्यै दे आतंकवाद रोधी बल - राश्ट्री सुरक्षा गार्ड-एनएसजी दा महानिदेशक नियुक्त कीता गेआ ऐ। श्रीनिवासन होर भारती पुलस सेवा दे बिहार कार दे 1992 बैच दे आईपीएस अधिकारी न। मंत्रीमंल दी नियुक्तिएं सरबंधी समिति नै श्रीनिवासन हुंदी नियुक्ति दी मंजूरी दिती। ओह कम्मकाज सांभने आहली तरीक शा लेइयै 31 अगस्त 2027 यानि रटैर होने तगर इस औहद्धे पर बने दे रौहडन।

ऐल्लै ओह राजगीर च बिहार पुलस अकादमी दे ँरैक्टर दे तौर पर अपनियां सेवां देआ करदे न।

<><><><><><>

ICC-Jay Shah

भारती क्रिकेट कंट्रोल बोर्ड बीसीसीआई दे मजूदा मानद सचिव जय शाह होरेंगी निर्विरोध अंतर्राष्ट्री क्रिकेट काउंसल आईसीसी दा अध्यक्ष चुनी लैता गेआ ऐ। ओह इस बरे पैहली दिसम्बर गी अपना कम्मकाज सांभडन। शाह होर 35एं बरें दी उमी च एह औहद्धा सांभने आहले पैहले अध्यक्ष बी बनै करदे न। इस म्हीने दी 20 तरीक गी एह ऐलान कीता गेआ हा जे आईसीसी दे मजूदा अध्यक्ष ग्रेग बारक्ले होर त्रीये कार्यकाल आस्ते अग्गे नेईं औडन ते इस बरे नवम्बर च अपना कार्यकाल खत्म होने परैन्त ओह परतिये मेदवार नेईं बनडन।

<><><><><><>